

## Televisión autonómica asturiana. Informe

### 1. Síntesis

La idea de contar con una televisión autonómica propia **lleva más de dos décadas presente, con ciclos sucesivos de mayor o menor interés, na sociedad asturiana**. La puerta abierta al autogobiernu que propició l'Estatutu d'Autonomía del Principáu d'Asturies, sancionáu pol Rei Juan Carlos el 30 d'avientu de 1981, nun se concretó ensin embargu na creación d'un ente de comunicación audiovisual d'ámbitu autonómicu, en parte porque l'Estatutu, que-y otorgaba a la comunidá competencies xenerales pa entamar so propiu sector públicu, nun falaba explícitamente d'una posible radiotelevisión asturiana.

Somorguiáu na falta de concreción y consensu políticu, **el proyectu permaneció nuna situación d'ostracismu nos años ochenta**, dexando a Asturias al marxe del intensu ciclu de creación de les primeres televisiones autonómiques de titularidá pública (Euskal Telebista, 1982; TV3 de Catalunya, 1983; Televisión de Galicia, 1985; Canal Sur, Canal 9 y Telemadrid, 1989) y faciéndola asistir, amás, al surdimientu de segundos canales (ETB-2, 1986; Canal 33, 1989).

Coincidiendo con un segundu ciclu de creación d'entes autonómicos de comunicación audiovisual y desdoblamiento d'otros yá esistentes (Canal 2 Andalucía, 1998; Televisión Canaria, 1999; Castilla-La Mancha TV, 2001), los cuatro partíos políticos con representación na Xunta Xeneral del Principáu -PP, PSOE, IU y PAS- pesllaron en xineru de 1999 una reforma del Estatutu d'Autonomía qu'incluyó nel testu llegal una referencia monográfica al sector audiovisual públicu: L'artículo 17 pasó a reconocer la potestá de la comunidá autónoma pa **regular, crear y mantener so propia televisión, radio y prensa y, en xeneral, tolos medios de comunicación social** pal cumplimientu de los sos fines.

A partir d'esi puntu, la práctica política condicionó dafechu la evolución del proyectu. El Partíu Socialista, encabezáu pol hasta entós alcalde de Xixón, Vicente Álvarez Areces, algamó mayoría absoluta nes elecciones autonómiques de xunu de 1999. El programa electoral del PSOE incluyía la creación de la TV asturiana, pero'l **primer mandatu d'Areces nun vio ñacer l'ente por mor d'engarradielles intestines** ente la Federación Socialista Asturiana -roceana énte un mediu que'l presidente podría usar en beneficiu propagandísticu propiu- y el propiu Gobiernu, defensor del proyectu pero maniatáu pol so grupu parlamentariu. Na oposición, el PP declaróse dende l'empiezu contrariu a la televisión por camentar que yera una iniciativa superflua y cara, mientras qu'Ízquierda Xunida optó pola defensa d'una TV de calidá, non xeneralista, con presencia de la llingua asturiana y ayena al control políticu.

Esi foi precisamente'l principal caballu de batalla na negociación política. Lluue de dos años d'hibernación del proyectu, la Xunta Xeneral llamó a consultes, na seronda de 2001, a distintos profesionales de la comunicación y a estremaos colectivos sociales, col envís d'escuchar les sos propuestas pal nuevu ente. El 17 de marzu de 2003, nes bocaes del primer mandatu d'Álvarez Areces, **aprobóse a la fin la Llei 2/2003, de Medios de Comunicación Social, qu'alpenes nueve meses depués rexistró la so primer modificación**. El PSOE perdiera la mayoría absoluta nes elecciones autonómiques de mayu d'esi añu y, con ella, la facilitá llexislativa pa nomar el conseyu d'alministración de la TV y poder echar a andar finalmente'l proyectu. El cambiu llegal 'ad hoc', introdució na Llei d'acompañamientu de los presupuestos autonómicos pa 2004, permitió salvar la negativa'l PP a nomar sos correspondientes miembros del conseyu de la TV -y el consiguiente bloquéu del ñacimientu del ente- con un artículu que fai posible la elección d'a lo menos ocho de los quince consejeros por a lo menos dos grupos parlamentarios. Con esi quórum, el conseyu d'alministración yá pue echar a andar, y con él la TV.

Según les previsiones del Gobiernu asturianu, qu'ostenten en coalición PSOE ya IX, la radiotelevisión autonómica **empezará emitir provisionalmente n'ochobre de 2004 dende la Universidá Llaboral de Xixón**, pa pasar llueu a una sé definitiva nel Parque Tecnolóxicu, en Llanera. Producirá mil hores selmanales de conteníos propios, tendrá un equipu de noventa profesionales, cubrirá toa Asturias ya integrará tres estayes dependientes d'una redacción única: una televisión, una radio y un periódicu dixital. Magar de too ello, el Gobiernu central decidió el 6 de febreru de 2004 recurrir énte'l Tribunal Constitucional la modificación llegal sobre la elección del conseyu d'alministración del Ente, al entender que'l Principáu excede sos propios competencies nesti asuntu.

## 2. Normativa

**2.1. LLIBRU BLANCU DE LA NORMALIZACIÓN.** Elaboráu pola Xunta pola Defensa de la Llingua Asturiana y presentáu en públicu en febreru de 1996, esti documentu non preceptivu recueye nel so capítulu 3 varies propuestes pa normalizar l'usu del asturianu nos medios de comunicación, estaya na que considera esencial la creación d'una radio y una televisión autonómiques "sofitaes na nuesa diferencialidá cultural y llingüística y comprometíes cola nuesa realidá sociocultural y económica".

**2.2. LLEI D'USU DEL ASTURIANO.** Espublizada nel Boletín Oficial del Principáu d'Asturies (BOPA) el 28 de marzu de 1998, inclúi una referencia en grau potencial a una radiotelevisión pública de titularidá autonómica, estableciendo que "nes emisiones de radio y televisión y nos demás medios de comunicación con presencia actual o futura de l'Alministración autonómica, ésta va velar por una presencia amañososa del bable/asturianu" (artículu 13.2).

**2.3. REFORMA DEL ESTATUTU D'AUTONOMÍA DEL PRINCIPÁU D'ASTURIES.** Aprobada por Llei orgánica el 5 de xineru de 1999, introduz nel testu orixinal un artículu monográficu sobre les potestades autonómiques na estaya de la comunicación audiovisual, y afita per primer vegada na llegalidá d'ámbitu asturianu la posibilidá de que se cree una radiotelevisión pública autonómica: "Nos términos establecíos nos párrafos anteriores d'esti artículu, la Comunidá Autónoma podrá regular, crear y caltener so propia televisión, radio y prensa y, en xeneral, tolos medios de comunicación social pal cumplimientu de sos envises" (artículu 17.3).

**2.4. LLEI 2/2003, DE MEDIOS DE COMUNICACIÓN SOCIAL.** Espublizada nel BOPA el 24 de marzu de 2003, regula la creación del Ente Públicu de Comunicación del Principáu d'Asturies, qu'a efectos de funcionamientu tará dotáu d'un conseyu d'alministración formáu por quince miembros nomaos polos grupos parlamentarios de la Xunta Xeneral y d'un conseyu de comunicación, de calter consultivu, integráu por diecisiete persones. El director xeneral del ente sedrá nomáu pol Gobiernu asturianu.

**2.5. REFORMA DE LA LLEI DE MEDIOS DE COMUNICACIÓN SOCIAL.** Ensertada na Llei de Midíes Presupuestaries, Alministratives y Fiscales -Llei d'acompañamientu de los presupuestos autonómicos-, espublizóse nel últimu Boletín Oficial del Principáu d'Asturies de 2003, el 31 d'avientu. Ta redactada espresamente pa salvar el bloquéu exercíu pol PP a la creación de la tv, materializáu na negativa d'esi partíu a nomar a sos correspondientes miembros del conseyu d'alministración de la radiotelevisión autonómica. Con esi envís, la igua llegal determina que la Xunta Xeneral ratifique al conseyu por mayoría de dos tercios (30 de los 45 diputaos autonómicos, cuatro más de los que sumen PSOE ya IX tres de les ellecciones de 2003), pero almite un procedimientu escepcional si nun s'algama esa mayoría requerida: El conseyu d'alministración podrá echar a andar de mou transitoriu -y con él pondráse en marcha la rtv asturiana- con a lo menos ocho de los quince miembros qu'ha tener, siempre que polo menos dos grupos parlamentarios propongan a los consejeros que-yos correspuende nomar en proporción al so númberu d'escaños. O lo que ye lo mesmo, faise'l cambiu na llei pa que, énte un previsible y calquín bloquéu del PP, la radiotelevisión puea echar a andar con un conseyu 'de mínimos' nomáu por PSOE ya Izquierda Xunida. Amás, ponce fecha pa la constitución d'esi muérganu rector de la tv: febreru de 2004.

**2.6. ALCUERDU PROGRAMÁTICU DE GOBIERNU FSA-IZQUIERDA XUNIDA/BA.** El pactu de gobiernu firmáu pola Federación Socialista Asturiana ya Izquierda Xunida-Bloque por Asturies el 3 de xunetu de 2003 inclúi un epígrafe dedicáu dafechu a la futura radiotelevisión asturiana, referíu al modelu d'ente que dambes fuerces quieren. Asina, el documentu del alcuertu programáticu contién el "desendolcu del Ente Públicu de Comunicación, apostando por un modelu de radiotelevisión non xeneralista, de calidá nes sos emisiones, innovadora y distinta de los modelos conocíos hasta agora, ensin tener ente los sos oxetivos cimeros les audiencies masives o la comercialidá. Apostamos por un ente públicu modernu téunicamente, comprometíu cola realidá cultural y llingüística d'Asturies. En fin, plural y al serviciu de la sociedá asturiana. Nesti marcu, dambes fuerces remanarán un ampliu consensu pa la composición de muérganos, funciones y modelu de xestión".

### 3. Cronoloxía y enllaces

**15/02/1996. Llibru blancu de la recuperación y normalización llingüística.**

Capítulu 3. La normalización nos medios de comunicación. Documentu de la Xunta Pola Defensa de la Llingua Asturiana, con diagnósticos y propuestes.

<http://www.asturies.com/asturianu/llibrancu/blancu3.htm>

**05/01/1999. Reforma del Estatutu d'Autonomía del Principáu d'Asturies.** Nel so artículu 17, prevé la creación de medios de comunicación de titularidá autonómica.

<http://constitucion.rediris.es/oapa/codigaut/1981/TCL007-1981.html#T1>

**12/07/2002. Noticia La Nueva España.** "El Gobierno prevé aprobar en el otoño el proyecto de ley de TV autonómica". La iniciativa, incluyida nel programa electoral de 1999, taba paralizada poles engarradielles internes de los socialistes.

<http://www.lanuevaespana.es/periodico12julio/PG022AST121.htm>

**25/09/2002. Noticia La Nueva España.** "El PP descalifica la TV autonómica, a la que tacha de «despilfarro inoportuno»". Críiques a la futura TV por innecesaria y cara.

<http://www.lanuevaespana.es/periodico25septiembre/PG026AST251.htm>

**07/11/2002. Noticia La Nueva España.** "IU propone a Areces que pacte la TV autonómica con el modelu de Zapatero". Izquierda Xunida quier que'l nuevu ente salga d'un consensu políticu, pide que'l director xeneral seya nomáu pola Xunta envede pol Conseyu de Gobiernu y reclama que'l conseyu d'alministración nun tea marcáu por un usu políticu partidista.

<http://www.lanuevaespana.es/periodico7noviembre/PG024AST071.htm>

**24/03/2003. LLEI 2/2003, DE MEDIOS DE COMUNICACIÓN SOCIAL.** BOPA nº69.

[http://www.etsimo.uniovi.es/bopa/2003/03/03970\\_01.htm](http://www.etsimo.uniovi.es/bopa/2003/03/03970_01.htm)

**18/11/2003. Noticia La Voz de Asturias.** "Luz verde a la candidatura del conseyu de la TV autonómica". PSOE ya IX aprueben el dictame sobre compatibilidá de los candidatos a miembros del conseyu d'alministración, cola abstención del PP.

<http://www.lavozdeasturias.es/noticias/noticia.asp?pkid=91612>

**20/11/2003. Noticia La Voz de Asturias.** "La Junta debate hoy la lista del conseyu de TV". Información previa de la votación na Xunta Xeneral sobre'l conseyu d'alministración del ente.

<http://www.lavozdeasturias.es/noticias/noticia.asp?pkid=92076>

**21/11/2003. Noticia La Voz de Asturias.** "El PP se abstiene y bloquea el conseyu de la TV". Los 19 diputaos del PP na Xunta Xeneral abstiéndense nel nomamientu'l conseyu d'alministración de la tv autonómica y bloqueen con ello l'empiezu de los trámites pa que l'ente eche a andar.

<http://www.lavozdeasturias.es/noticias/noticia.asp?pkid=92315>

**23/11/2003. Noticia El Comercio.** "El PP pregunta a Javier Fernández por qué apoya ahora la televisión regional". Críiques del presidente'l PP asturianu, Ovidio Sánchez, al futuru ente.

<http://servicios.elcomerciodigital.com/pg031123/prensa/noticias/Politica/200311/23/GIJ-POL-100.html>

**24/11/2003. Noticia El Comercio.** "El Gobierno asegura que la televisión regional será "plural para ser creíble". Declaraciones de Jorge Fernández León, director de l'Axencia de Comunicación.

<http://servicios.elcomerciodigital.com/pg031124/prensa/noticias/Politica/200311/24/GIJ-POL-079.html>

**03/12/2003. Noticia El Comercio.** "Migoya dice que la televisión sólo supondrá el 0,2% del presupuestu del Principado". Afirmaciones de la consejera de Cultura y Comunicación Social na so comparecencia énte la Xunta Xeneral del Principáu.

<http://servicios.elcomerciodigital.com/pg031203/prensa/noticias/Politica/200312/03/GIJ-POL-099.html>

**06/12/2003. Noticia El Comercio.** "Migoya garantiza el estatus de los empleaos de la productora de TV en el futuru ente". La consejera de Comunicación Social asegura que los trabayadores caltendrán sos drechos al pasar a formar parte de la plantiella de la rtv autonómica.

<http://servicios.elcomerciodigital.com/pg031206/prensa/noticias/Politica/200312/06/GIJ-POL-089.html>

**31/12/2003. MODIFICACIÓN LLEI DE MEDIOS DE COMUNICACIÓN SOCIAL.** Ensertada na Llei d'acompañamientu de los presupuestos pa 2004 (artículo 10). BOPA nº301.  
[http://www.etsimo.uniovi.es/bopa/2003/12/16235\\_01.htm](http://www.etsimo.uniovi.es/bopa/2003/12/16235_01.htm)

**05/01/2004. Noticia El Comercio.** "La televisión autonómica empezará a emitir en la Universidad Laboral de forma provisional". El Principáu nun esperará a la sé definitiva nel parque tecnolóxicu de Llanera. Elixe'l conventu de les clarises na Llaboral pa emitir dende ochobre.  
<http://servicios.elcomerciodigital.com/pg040105/prensa/noticias/Politica/200401/05/GIJ-POL-071.html>

**06/01/2004. Noticia El Comercio.** "La televisión autonómica emitirá desde la Universidad Laboral durante más de un año". Caltendrá en Xixón una delegación permanente cuando la central se tresllade pa Llanera. La contratación de personal entamará en xunu.  
<http://servicios.elcomerciodigital.com/pg040106/prensa/noticias/Politica/200401/06/GIJ-POL-072.html>

**08/01/2004. Noticia El Comercio.** "El PP achaca a las «prisas» de Areces la elección de la Laboral para la televisión". El Partíu Popular reitera que nun tará nel conseyu d'alministración.  
<http://servicios.elcomerciodigital.com/pg040108/prensa/noticias/Politica/200401/08/GIJ-POL-096.html>

**09/01/2004. Noticia El Comercio.** "El Principado ratifica que la Laboral acogerá la televisión". Migoya da-y prioridá dafechu al desendolcu de la Llei de medios de comunicación social. El Parlamentu nomará al conseyu d'alministración nel nuevu periodu de sesiones.  
<http://servicios.elcomerciodigital.com/pg040109/prensa/noticias/Politica/200401/09/GIJ-POL-099.html>

**15/01/2004. Comunicáu Xunta Pola Defensa de la Llingua.** La TVA sedrá una agresión al idioma si sal alantre tal como tá plantegada. La Xunta pide emisiones 100% n'asturiano.  
<http://www.exunta.org/comunicaos/20040115teletini.php>

**27/01/2004. Noticia La Nueva España.** "IU defenderá en el Gobierno que el director de la TV sea asturiano". El Gobiernu empezará a buscar nomes en febreru, tres nomar al conseyu.  
<http://www.lne.es/secciones/asturias/noticia.jsp?pIdNoticia=133544&pIndiceNoticia=10&>

**07/02/2004. Noticia La Nueva España.** "Madrid lleva al Constitucional la TV autonómica y la supresión de la colegiación obligatoria". El Gobiernu central recurre la modificación ilegal que permitía salvar el bloquéu del PP por creer que'l Principáu va más allá de sos competencies.

#### 4. Documentos monográficos

**"La televisión autonómica asturiana: la tesela necesaria en la construcción del mosaico de la realidad simbólica regional".**

Ponencia d'Emilio Fernández Peña (profesor de la Universidá Autónoma de Barcelona).

<http://www.juntaex.es/consejerias/ect/dgsi/infodex/docs/Televisiones/3parte3.pdf>

*Informe elaboráu por: PRÓSPERO MORÁN / QUIQUE FAES*